

ter communicas. Quid ego? schedas has exiguas submitto. Qui libri prodeant, quæ scripta passim in Germania vulgentur, sine numero propemodum, Catalogi testantur Francofurtienses, Lipsienses, ac minores alii. Significo hic potius, quid novi, quidq; rari Cœlum pariter & Terra exhibuerint ab uno alteroq; anno hætenus Germanis.

Interest posteritatis, quæ hoc senescente seculo servavimus de cœlo, quæ in terris vidimus miranda, ex mortalium memoria ne deleantur. Hyemem & longam & nivofam, præter ordinem Naturæ sicca pariter ac frigida vernalis, æstivalis postea excepit calida & sitiens tempestas, adeo, ut ab Aprili ineunte, ad adultum mensem Julium vix una alteraque citò transiens, & paucissimos attingens agros pluvia in nostro Horizonte gramina, frumenta omnis generis fructusq; nec non olera emorientia cum plantis & arboribus, quin imò vix tellurem irroraverit hiantem. *Hamburgi, Re-*

) (

va-